

問曰於地獄趣復云何起耶

答曰若其父母生地獄中從可信人邊聞便

生愛心育多婆提復作是言聽我所難說汝  
違言負處汝作是言須陀洹未盡地獄畜生  
餓鬼愛應作是說須陀洹能起此愛使我作  
伊羅跋那龍王乃至廣說若作是說此事不  
然若不說須陀洹能起此處亦不應說須陀  
洹未盡地獄畜生餓鬼愛也若須陀洹未盡  
地獄畜生餓鬼愛而不起現在前即是汝違  
言負處如汝所說須陀洹緣惡道愛未盡而  
不起現在前我所說無有中愛亦如是育多  
婆提復難毗婆闍婆提言於意云何爲纏所  
纏殺父母此纏是修道所斷耶毗婆闍婆提  
答曰如是育多婆提責毗婆闍婆提答曰不  
也問曰何故須陀洹不起如是愛耶答曰聖人愛樂  
功德常欲成就善法現在前不欲遠離是故

耶毗婆闍婆提答曰如是修道所斷法者謂  
有漏善法無有者謂斷善根育多婆提復責  
毗婆闍婆提言於意云何須陀洹能起此愛  
我當斷善根耶毗婆闍婆提答曰不也問曰  
何故須陀洹不起如是愛耶答曰聖人愛樂  
功德常欲成就善法現在前不欲遠離是故

切十

十六

盛道

不起育多婆提復責毗婆闍婆提廣說如上  
諸言不斷必起現在前應說有如上等過外  
書中有三種難一名疑難二名說過難三名  
除壞難佛經中說世尊亦以三種難難他一  
名轉勝難二名等義難三名違言難轉勝難  
者如長孤梵志作如是言我一切不忍佛難  
無愧者能殺父母須陀洹有增上慚愧故復

有說者彼纏邪見所長養隨邪見後生須陀  
洹邪見已斷故

言汝於此見亦不忍耶等義難者如波知離

問佛汝知幻耶佛答言知波知離言沙門瞿

曇即是幻者佛問波知離汝知拘菴國有惡

人名薩婆周羅多行惡法者不耶答言我知

佛言汝亦是多行惡法人也違言難者如優

波離居士先言身業重後說仙人惡意故滅

迦陵伽大城等此中育多婆提以等義難毗

婆闍婆提使墮負處無有名何法耶答曰三

界無常問曰何以作此論答曰欲令毗婆闍

婆提無所言故若不作是說毗婆闍婆提當

作是說汝雖以言語伏我然無有中愛體性

與法相應者或見道斷或修道斷是故波

尊者作如是說無有名何法三界無常復有

說者先說隨順經義趣後說真實義復有說

者育多婆提還語毗婆闍婆提我雖以言伏  
汝然無有中愛體性與法相應或見道斷

或修道斷是故作如是說無有名何法三界  
無常問曰無漏法亦有無常此中何以不說

耶答曰若法是愛安足處所緣處此中便說  
無漏無常非愛安足處非愛所緣處是故不  
說

十七末

盛

阿毗曇毗婆沙論卷第二十

切十

宜便

聲下平

躁動

上則反

濡

舊作軟

枯

古反

活

咽

音

煙

齋

音齊

亦綻線

二同

先擔

都甘

阿毗曇毗婆沙論卷第二十一

磨一

迦旃延子造北涼沙門淨陀跋摩共道泰譯

雜捷度人品之五

何等心解脫有欲心耶無欲心耶乃至廣說  
問曰何故作此論答曰此是佛經佛經中說  
欲心得解脫恚癡心得解脫不作是說爲有

行

欲心得解脫無欲心得解脫乃至廣說彼經是此論根本今當廣解此經復次或有說心性本淨爲客煩惱所覆如毗婆闍婆提說心性本淨彼客煩惱生覆心故不淨問曰若當心性本淨客煩惱覆故不淨可爾者何不以本性淨心令客煩惱亦淨耶汝若不說以心淨故令客煩惱淨者爲有何因緣復次爲心先生後客煩惱生爲俱生耶若心先生後客煩惱生者則心住待客煩惱客煩惱生然後覆心若作是說是則一心住二利那若當俱者爲以何時言心性本淨復無未來世以住本性淨心是故爲止他義自顯己義亦欲說法相應義故而作此論

何等心解脫有欲恚癡心解脫耶無欲恚癡心解脫耶答曰無欲恚癡心解脫問曰無欲恚癡心即是解脫復何所解脫耶答曰若以煩惱而言則心名解脫若以世以身而言則不名解脫若諸煩惱不斷彼心不行於世不

於世得解脫不行於身不於身得解脫若諸煩惱斷彼心行於世於世得解脫行於身於身得解脫復次或有說者欲相應心得解脫恚癡相應心得解脫如毗婆闍婆提作如是說染污心即是無染污心若煩惱未斷是染污煩惱已斷是不染污猶如銅器有垢未去垢時名曰有垢已去垢故名曰無垢彼亦如是彼如是說者應當違逆呵責所以者何非彼心與欲恚癡相應雜合若欲恚癡不斷此心不名解脫欲恚癡若欲恚癡不斷此心名解脫欲恚癡欲證此義故引佛經世尊經說日月有五暗爲五暗所覆故日月不明淨云何爲五謂雲乃至廣說雲者如夏時少雲能徧虛空煙者如焚燒草木煙徧虛空塵者如天不雨時風動地塵徧於虛空霧者如大河邊出霧徧於虛空復有說者東方國土若晝若夜雨後日出時霧從地起徧於虛空羅睺羅阿修羅王障者日月是諸天前軍天與阿修

羅常共鬪戰以日月威力故諸天常勝羅睺  
羅阿修羅王而先欲摧滅以是一切衆生業  
力故而不能滅以手障之如此諸曇與日月  
相遠而不相近未除彼曇日月於此諸曇而  
不明淨若除諸曇日月於此諸曇而得明淨  
如是彼心不與欲恚癡相應雜合若是欲恚

癡不斷彼心不名解脫欲恚癡若欲恚癡斷  
彼心名解脫欲恚癡世尊經說比丘當知得  
第一大身者謂羅睺羅阿修羅王是也乃至  
廣說無有衆生能自化身端正第一如羅睺  
羅阿修羅王者此說變化非謂實身

何等心解脫過去耶未來耶現在耶答曰未  
來遠心生時無學諸障礙得解脫障者非想  
非非想處下下煩惱是也若說未來則止過  
去現在若說無學則止學心問曰如學心亦  
得解脫何以但言無學耶答曰或有說者以  
尊勝故若求勝法無學法勝於學法若求勝  
人則無學人勝於學人尊者瞿沙說曰若多

勝無過言是解脫若得無學心則解脫多亦  
勝無過復次若心得二種解脫者名為解脫  
謂自體解脫身得解脫以是事故而作四句  
或有心自體得解脫非身或有身得解脫非  
自體乃至廣作四句自體得解脫非身者謂  
學心是也身得解脫非自體者阿羅漢善有  
三

漏不隱沒無記心是也自體解脫身亦解脫  
者謂無學心是也非自體解脫非身解脫者  
謂學有漏心一切凡夫心是也復次無障礙  
故名解脫學人則為邪解脫所障無學不爾  
如是學正解脫與邪解脫相對無學不爾復  
次若心於一切結得解脫名為解脫學心有  
分解脫有分不解脫無學不爾復有說者若  
心於五種煩惱事中得解脫五種緣中得解  
脫名為解脫五種煩惱障礙五種緣障礙說  
亦如是復有說者若不為如摩樓多愛草所  
繫者是名解脫復次若能揅有頂所依周羅

者是名解脫復次若斷三界諸煩惱髮是名

解脫復次若減少解脫能令滿足是名解脫如學人乃至金剛喻定名不滿足得無學心名爲滿足復次若得猗樂不爲煩惱所障是名解脫學人雖得猗樂復爲煩惱所障無學人得猗樂不爲煩惱所障復次若廣受猗樂名爲解脫學人以有所作故受猗樂不廣若得無學心所作已辦則廣受猗樂猶如國王怨敵未盡受樂不廣若怨敵盡者則廣受樂若所作已辦除去重擔更無欲求亦復如是復次衆生常共煩惱獨語若得遠離牟尼意滿足是名解脫復次若離染污諸陰重擔者是名解脫復次若離煩惱熱諸入得清涼入是名解脫復次若離煩惱所依諸入得無煩惱所依諸入是名解脫復次若遠離煩惱衆生聚自立無煩惱衆生聚中是名解脫復次若得爲世作福田者是名解脫如偈言欲心壞衆生 如草敗良田 若施無欲者必得於大果

復次若害其命得無間罪者是名解脫復次若斷諸著決煩惱堤塘除一切障礙斷於四食離四識住破壞四魔過九衆生居者是名解脫復次若行不雜功德學人離行善法過惡行善惡行善根不善根互現在前若唯行善行等不行不善行等者是名解脫問曰如五陰悉得解脫何以獨說心得解脫耶答曰或有說者以心勝故此中應說如第一品中答問曰唯有一剎那心得解脫耶答曰不也若說一剎那生心當知盡說未來一切心所以者何未來無學心得行於世故問曰得盡智時未來世所有修三界善根爲得解脫不耶答曰得所以者何亦除其障故問曰若退阿羅漢果還得阿羅漢果先所得過去無漏道彼爲得解脫不耶答曰不得以不除障故如無礙道滅乃至廣說無礙道者是金剛喻定問曰何故名金剛喻耶答曰猶如金剛無所不斷無所不壞無所不穿若鐵若瓦若石若

摩尼珠若頗梨若山如是等物無不摧破彼定亦於一切煩惱無不摧破無有是處以分別故說若設當具縛凡夫能起此定則能斷一切煩惱何以故是一切煩惱對治法故何以知耶答曰得阿羅漢時證一切三界見道修道所斷煩惱解脫得以是事故如此定

是一切煩惱對治法問曰如金剛喻定體性若是五陰若是四陰何以但名定耶答曰以定勢偏多故名為定如見道體是五陰以見勢偏多故名為見道如見道邊等智體性是五陰四陰以智勢偏多故說名為智如四道通體性是五陰四陰以通勢多故說名為通金剛

磨一

五

行

喻定體性是五陰四陰以定勢多故說名為定問曰若然者則因論生論彼處何故定勢多耶答曰或有說者以非想非非想處難斷難破難過須堅固定以安其足發大精進如人欲害象時先安其足發其武勇然後可害如是非想非非想處難斷難破難過當先安

其足發大精進已然後能斷如象非想非非想處下下煩惱復有說者非想非非想處微細難知難可解了當須大持意法如人欲射一毛當須大持意法彼亦如是此金剛喻定若在未至禪則有五十二金剛喻定其事云何金剛喻定與六智俱謂四比智二法智二法智者謂滅智道智依未至禪以苦比智當得阿羅漢果彼觀非想非非想處苦等四行若一行現在前當得阿羅漢果若以集比智觀非想非非想處集等四行若一行現在前當得阿羅漢果若以滅法智觀欲界諸行滅等四行若一行現在前當得阿羅漢果若以道法智觀欲界斷諸行道等四行若一行現在前當得阿羅漢果若以滅比智彼或有觀初禪諸行滅等四行若一行現在前當得阿羅漢果如是乃至觀非想非非想處諸滅亦如是如是八四有三十二若以道比智觀九地中比智分道等四行若一行現在前當得

阿羅漢果滅比智三十二道比智四前有十六是名依未至禪有五十二金剛喻定如是依初禪禪中間第二禪第三禪第四禪亦有五十二金剛喻定空處有二十八若依空處以苦比智觀非想非非想處苦等四行若一行現在前當得阿羅漢果若以集比智說亦如上若以滅比智觀空處諸行滅等四行如前說或觀識處或觀無所有處或觀非想非非想處滅等四行廣說如上若以道比智觀九地中比智分道等四行廣說如上若以道比智觀有十六道比智有四前有八是名依空處二十八金剛喻定識處有二十四無所有處有

六  
阿  
磨  
身

二十如是隨所應說此是一家義復有說者未至禪中有八十其事云何金剛喻定與六智俱如上說若依未至禪以苦比智當得阿羅漢果觀非想非非想處苦如先說若以集比智觀非想非非想處集如先說若以集智觀欲界諸行滅如先說以道法智觀欲界

斷諸行道如先說若以滅比智觀初禪諸行滅亦如上說此八四有三十二道比智亦有三十二合六十四前有十六是名依未至地有八十金剛喻定如是初禪禪中間第二禪第三禪第四禪亦有八十空處有四十若依空處以苦比智當得阿羅漢果廣說如上以集比智說亦如上若以滅比智觀空處諸行滅乃至非想非非想處諸行滅有十六道比智亦有十六前有八是名空處有四十金剛喻定識處有三十二無所有處有二十四應隨相廣說評曰應作如是說者好依未至禪應有百六十四金剛喻定其事云何若依未至禪以苦比智觀非想非非想處苦廣說如上若以集比智觀非想非非想處集說亦如上若以滅法智觀欲界諸行滅說亦如上若以道法智觀欲界斷諸行道說亦如上若以滅比智觀初禪諸行滅或有乃至觀非想非非想

磨一  
身

七

四

想處諸行滅如是八四有三十二如前說或有觀初禪亦觀第二禪或觀第二禪亦觀第三禪或觀第三禪亦觀第四禪或觀第四禪亦觀空處或觀空處亦觀識處或觀識處亦觀無所有處或觀無所有處亦觀非想非非想處或有觀初禪第二禪第三禪或有觀第二禪第三禪第四禪或有觀第三禪第四禪空處或有觀第四禪空處識處或有觀空處識處無所有處或有觀識處無所有處非想非非想處或有觀初禪第二禪第三禪第四禪或有觀第二禪第三禪第四禪空處或有觀第三禪第四禪空處識處或有觀第四禪空處識處無所有處或有觀空處識處無所有處或有觀初禪乃至空處或有觀第二禪乃至識處或有觀第三禪乃至無所有處或有觀第四禪乃至非想非非想處或有觀初禪乃至識處或有觀第二禪乃至無所有處或有觀第三禪乃至非想非

非想處或有觀初禪乃至無所有處或有觀第二禪乃至非想非非想處或有觀初禪乃至非想非非想處若以道比智觀九地中比智分道等四行若一行現在前當得阿羅漢果此有四前苦比智有四集比智有四滅法智有四道法智有四滅比智有百四十四如是依未至禪有百六十四金剛喻定初禪禪中間乃至第四禪亦有百六十四空處有五十二若依空處若以苦比智當得阿羅漢果觀非想非非想處苦等四行廣說如上若以集比智觀非想非非想處集廣說如上若以滅比智或觀空處諸行滅乃至或觀非想非非想處諸行滅廣說如上或有觀空處識處或有觀識處無所有處或有觀無所有處非想非非想處或有觀空處乃至無所有處或有觀識處乃至非想非非想處或有觀空處乃至無所有處或有觀無所有處非想非非想處若以道比智觀九地比智分道等四行廣說如上此有四前苦比智

磨一

八

何

有四集比智有四滅比智有四十是名依空  
處五十二金剛喻定識處有三十六若依識  
處以苦比智觀非想非非想處苦四行廣說  
如上若以集比智觀非想非非想處集四行  
廣說如上若以滅比智觀識處諸行滅乃至  
或觀非想非非想處諸行滅廣說如上若以  
滅比智觀識處無所有處或觀無所有處非  
想非非想處或有觀識處乃至非想非非想  
處若以道比智觀九地道智分道等四行廣  
說如上此有四前苦比智四集比智四滅比  
智二十四如是依識處有三十六金剛喻定  
無所有處有二十四依無所有處若以苦比  
智觀非想非非想處苦四行廣說如上若以  
集比智觀非想非非想處集四行廣說如上  
苦以滅比智觀無所有處諸行滅或觀非想  
非非想處諸行滅廣說如上或觀無所有處  
非想非非想處諸行滅廣說如上若以道比  
智觀九地比智分道等四行廣說如上此有

四前苦比智四集比智四滅比智有十二如  
是依無所有處有二十四金剛喻定無色界  
中不應說法智生色界中不應說法智不應  
說生上地依下地離欲除非想非非想處亦  
不應說生上地觀下地滅餘生色界亦如生  
欲界說生無色界如生欲色界說尊者瞿沙  
九

說金剛喻定有十三云何十三謂諸斷非想  
非非想處煩惱無礙道見道所攝有四修道  
所攝有九

已解脫心得解脫耶未解脫心得解脫耶答  
曰已解脫心言得解脫如是汝語已解脫心  
言得解脫不應說已解脫心言得解脫所以  
者何若已解脫不得言當解脫若當解脫不  
得言已解脫問曰已解脫心何以言得解脫  
耶答曰以是事故先作是說若以煩惱而言  
名已解脫若以行世在身而言名得解脫我  
亦說已解脫言得解脫亦說已作事言作如  
是說者復有何過佛亦說已解脫言得解脫

已作事言作欲證此義故引佛經於汝意云  
何佛經爲是善說不耶如說偈

若斷欲無餘 如蓮華在水 比丘捨此彼

如蛇脫皮去

問曰佛說此偈爲已捨言捨耶未捨言捨耶  
答曰佛說已捨言捨此中說斷欲無餘言已

捨言捨如此偈中已捨言捨已作言作我亦  
如是已解脫言得解脫而無有過爲證此義

故復引佛經如說偈

慢盡自定意 善心一切脫 一靖居無亂

能度死彼岸

問曰此偈中爲說已度度未度度耶答曰此

中說已度度若善心一切得解脫時名已度  
而言是度如此經說已度言度已作言作我  
亦如是已解脫言得解脫

又世尊言習眾無欲習無欲解脫習解脫涅槃

問曰何以作此論答曰此是佛經佛經說  
習眾無欲乃至廣說不分別云何眾云何無

欲乃至廣說佛經是此論根本彼中不說者  
今當說之以是事故而作此論

眾能生無欲習無欲能生解脫能到者如習  
解脫能到涅槃復有說者習有二種一者隨  
順二者隨應隨順者如習眾得無欲習無欲  
廣得解脫隨應者習解脫應得涅槃問曰若是

十

習性亦是緣性耶答曰諸是緣性則是習性  
問曰頗是習性非緣性耶答曰有謂習解脫

得涅槃者是也此習於涅槃無四緣云何為眾答曰  
義而能到涅槃也

無學惡賤五取陰諸行如經本廣說問曰如

此眾亦是學亦是無學亦是非學非無學何

以唯說無學耶答曰或有說者以名義俱勝

故若求法勝則無學法勝若求人勝則無學

人勝尊者瞿沙說曰以多勝無過故唯說無

學眾不說學人凡夫人也復有說者世尊說

勝法根本故無學是勝法根本故無學是勝

法根本非學人凡夫人也復有說者若說終

者亦明其始復有說者若無二法相對應如上無學廣說問曰眾體性是何答曰或有說者體是慧性問曰若然者眾體性是苦忍苦智彼說善通此文云何通如說云何習眾得離欲答曰與眾相應無欲恚癡善根問曰若然者慧還與慧相應耶答曰此文應如是說

彼眾相應無欲善根不應說無恚無癡應作

是說而不說者當知此文是誦者長說復有說者此眾是心數法與心相應問曰若然者此文善通見捷度所說體是苦忍苦智復云何通答曰彼中說眾以親近苦忍苦智故於何處得眾答曰苦忍苦智邊評曰不應作是磨一十一向

說如前說者好眾體性是慧云何世俗眾答曰與不淨相應者是也即是阿那般那體是緣苦集暖頂忍是世第一法是緣苦集見道邊等智與悲相應第一第二解脫相應與初四勝處相應是身如病如癱如瘡無常苦空無我因集有緣等行鹿說則有如是等相若

廣說者量過四海問曰若眾體是可眾耶若體是可眾是眾耶乃至廣作四句初句者無漏眾是也第二句者除世俗眾諸餘有漏體是也第三句者世俗眾是也第四句者除無漏眾諸餘無漏體是也問曰如一切法無我觀爲是眾觀耶爲是欣踊觀耶答曰此義前無我行中已說

云何習眾得離欲答曰與眾相應無欲無有欲善根此文應如是說不應說無恚無恚問曰無欲體性是何答曰體性是無貪

云何習無欲得解脫答曰彼無欲相應解脫乃至廣說一切諸法中有二法體是解脫一

者有爲二者無爲有爲者心數法中解脫是也無爲者數滅是也此中惟說有爲解脫不說無爲解脫有爲解脫有二種一者染污二者不染污染污者是邪解脫不染污者是正解脫正解脫復有二種一者有漏二者無漏有漏者與不淨觀相應慈悲喜捨相應無漏

者與學無學相應學者有四向住三果無學者唯住一果無學復有二種一時心解脫二非時慧解脫時心解脫者謂五種阿羅漢是也非時慧解脫者不動阿羅漢是也此即是斷欲心得解脫此即是斷無明慧得解脫問曰若斷欲即是心得解脫斷無明即是慧得解脫者攝法論所說云何通耶如說云何斷欲心得解脫答曰無貪善根云何斷無明慧得解脫答曰無癡善根問曰如無貪無癡善根非解脫性何故說是解脫耶答曰此文應如是說云何斷欲心得解脫答曰無貪善根如是說云何斷無明慧得解脫答曰

磨一  
十二

行

故以無貪無癡名說云何習解脫得涅槃答曰若斷一切愛盡乃至廣說問曰如斷一身見盡亦名涅槃何以言斷一切愛盡耶答曰或有說者此中說滿足涅槃何者是耶謂斷一切愛盡乃至廣說復有說者此中諸所說道盡說無學身中道如說無學身中道說無學身中道果亦如是學人所斷有餘非是無餘問曰云何名涅槃義答曰或有說者諸陰永斷更不生是涅槃義復有說者滅一切煩惱義是涅槃義復有說者滅三種火故是涅槃義復有說者不織義是涅槃義如因經緯織杖匹等織罣便成無癡善根相應解脫是也此文應如是說而不說者有何意耶答曰各有所爲故或有爲斷欲故勤方便或有爲斷無明故勤方便或有爲斷欲勤方便者名心解脫或有爲斷無明勤方便者名慧解脫然其解脫更無別體復有說者無貪與貪相對無癡與癡相對是

磨一  
十三

若不因經等織罣不成如是因業煩惱經緯故織受生罣便成若不因業等識受生罣不成以是事故不織義是涅槃義問曰獸無欲解脫涅槃有何差別答曰惡慾是獸不求是無欲心無始是解脫捨擔是涅槃復有說者惡慾煩惱是獸斷煩惱是無欲

不與煩惱俱是解脫諸陰盡是涅槃如尊者瞿沙解此經如實知見是說見地狀是薄地無欲者是無欲地解脫者是無學地涅槃者是諸陰不生

世尊說三界斷界無欲界滅界乃至廣說問曰何故作此論答曰此是佛經佛經說尊者阿難往詣名長老上座所到已乃至廣說問曰以何等故尊者阿難往詣彼所答曰或有說者彼尊者阿難是持佛法軒施者常監臨四衆數數往詣諸比丘所慮諸比丘謀受境界竊憣空過以是事故往詣彼所復有說者尊者阿難作是思惟若彼長老比丘有得勝進功德者我當讚善隨喜若不得者我當示其方便尔時阿難往詣彼所生彼相似信信有二種有相似有不相似相似信者彼若是阿練若問阿練若法是阿毗曇人問阿毗曇法是持脩多羅人問脩多羅法是持律人問於律法不相似信者問與上相違尔時阿難

問彼長老上座阿練若法汝數數觀何境界耶彼答言我觀舍摩他毗婆舍那阿難復問若脩行廣布舍摩他法有何利耶彼答白若脩行廣布舍摩他法是名脩心若脩心者得心解脫問曰如阿毗曇義一心中有定有慧云何分別是脩定方便人脩慧方便人耶答曰以依具故知或有多依定具或有多依慧具多依定具者性樂獨住常好閑靜樂居空舍不喜言說多依慧具者常好受持讀誦脩多羅阿毗曇毗尼亦以教人觀察揔相別相如是等事是名差別復有說者或有繫心一緣而不分別法相或有不繫心一緣而分別法相繫心一緣不分別法相者是名脩定若不繫心一緣分別法相者是名脩慧阿難問言若以定方便脩心者得心解脫若以慧方便脩心者得慧解脫若以定以慧方便脩心者得何等解脫耶答言得界解脫復問何等界解脫答言三界謂斷界無欲界滅界問曰

如斷是無緣法不能有所緣何故說言得斷  
界解脫耶答曰此中觀涅槃解脫以界名說  
所以者何雖勤行精進而不能生觀涅槃解  
脫者終不能得心解脫也以是事故觀涅槃  
解脫說名爲界尔時尊者阿難從長老上座  
比丘所聞如是說已便詣迦梨勒壇上以如  
是義盡問五百比丘諸比丘皆以如是義答  
問曰是諸比丘云何而答答曰或有說者如  
今法會處先下坐說彼亦如是復有說者一  
人答餘者印可尊者波奢說曰尔時作白羯  
磨行籌受籌者名答尔時尊者阿難問諸比  
丘已往諸佛所以如是等義問佛佛亦以如  
是義答問曰尊者阿難以不可上座比丘及  
五百比丘所說而往問佛耶答曰可適問曰  
若可適者何以復問佛耶答曰欲顯善說法  
中同見同欲同意具足問答故外道法中意  
欲不同破壞法塔善說法中意欲同故不壞  
法塔以此法妙故師與弟子始終所說不相

違背復有說者欲令多人遠罪過故其事云  
何曾聞彼長老上座比丘經六十年在母胎  
中却後生已身形老瘦無有威德尔時多人  
生輕慢心作如是言此諸年少氣力強盛初  
夜後夜勤行精進於勝進法猶故難得何況  
老瘦身者能得此法然此五百比丘以飲食  
十六

故爲提婆達多所壞後還歸佛是時多人生  
不信心是諸比丘貪利供養豈當能得勝進  
之法乃令多人作諸罪過是時阿難欲令多  
人去罪過故而往問佛彼經雖說斷界無欲  
界滅界而不廣說此論因彼經故作種種雜  
說優波提舍彼經是此論所爲根本謂彼中

阿毗曇毗婆沙論卷第二十一

磨一

贊一計揅音上於離反  
提塘二音低啼靖靜經緯謂下音  
可反謬苗幼竊釐上逾字上聲  
下徒叶反練若下汝輕

蔑  
下莫  
結反

阿毗曇毗婆沙論卷第二十二

磨二

迦旃延子造北涼沙門浮陀跋摩共道泰譯

雜捷度人品之餘

云何斷界我今當先說阿毗曇名數近對治法云何斷界答曰除愛結諸餘結斷是名斷界諸餘者除愛結餘八結是也云何無欲界

阿闍梨  
乙

答曰愛結若斷是近對治有欲對無欲故云何滅界答曰除九結諸餘結法滅是名滅界此中一切有漏體說是結法復有說有八結八結相應法及所起處生等若斷是名斷界愛結愛結相應法及所起處生等若得離欲是無欲界若說九結則攝一切染污法盡餘

惟有有漏善法及不隱沒無記彼若滅是名滅界復有說者有法縛而不染汚有法亦縛亦染有法不縛不染縛而不染法若斷是名斷界亦縛亦染法若得離欲是無欲界不縛不染者他縛他染若滅者是名滅界如縛繫義亦如是復有說者煩惱體若斷是名斷界煩惱於緣得離是名無欲界諸煩惱果更不生是名滅界復有說者過去諸陰若斷是名斷界未來諸陰離欲是名無欲界現在諸陰若滅是名滅界復有說者若苦受斷是名斷界若於樂受離欲是名無欲界不苦不樂受若滅是名滅界復有說者若苦苦斷是名斷界變苦若離欲是名無欲界行苦若滅是名滅界尊者耆摩達說曰捨於重擔是名斷界無欲對治有欲若離有欲是名無欲界令生不相續相續者若滅是名滅界復有說者或有言唯斷愛結問曰若然者則違佛經佛經說諸行若斷是名斷界諸行離欲是名無欲